



Universitätsbibliothek Paderborn

D. Haymo||nis Episcopi Hal-||berstatten[sis] Homiliarum, nunc sexto || maiori [pro] ante hac unquam dili||gentia excusarum, || Pars ...

praeter omnes omnium appendices, accesserunt iam recens homiliae
aliquot piae, ante hoc tempus excusae nusquam

Pars Aestivalis

Haimo <Altissiodorensis>

Haimo <Halberstadensis>

Coloniae, 1551

VD16 H 222

Omnes unanimes in oratione estote 1. Pe. 3.

urn:nbn:de:hbz:466:1-39335

tem non ira, sed zelus format, in exemplū Moysi, qui exijt a Pharaone iratus nimis, quia eius nequitiam incorrigibilem uidit.

DOMINICA VI. POST PENTECOSTEN. I. Petri. III.

Charissimi, Omnes unanimes in oratione estote. Et reliqua.

Fraternitatis unanimitas ueluti urbs inexpugnabilis, hostiū nō patet insidijs. Habet enim sancta ecclesia, ut Salomon ait, castrotrū actionem ordinatam, quam tyranni & persecutores una

Can. 2.

cum autore suo diabolo nō ualent irrumperere: quia in uniente Christo nec martyres persecutio, nec uirgines carnalis delectatio, nec misericordes cupiditas, nec humiles temporalis gloriæ denuncit ambitio. [compatientes.] Sicut enim gaudere debemus cum gaudentibus, ita & flere cum flētibus,

2 Cor. 11

sicut Paulus faciebat apostolus qui dicebat. Quis infirmatur, & ego nō infirmor. [fraternitatis amatores.] Qui ergo amat homines, aut qui iusti sunt, aut ut iusti sint amare debet, sicut & seipsum amare debet, aut quia iustus est, aut ut iustus sit. Dilectionem autem fraternam quātum commendat Io-

1. Ioh. 2.

hannes apostolus, attendamus: Qui diligit, inquit, fratrem suum quē uidet, in lumine manet, & scandalum in eo non est. Et item: Dilectissimi, diligamus nos inuicē, quia dilectio ex deo est. Et omnis

1. Ioh. 4.

qui diligit ex deo natus est, & cognouit deum. Et dominus inquit: Mandatum nouum do uobis, ut diligatis inuicem. Et in hoc scient omnes quia mei estis discipuli, si uos inuicem dilexeritis. [Misericordes.] Scriptū quippe est: Facere misericordiā,

Pro. 21.

magis placet deo, quam uictimæ. Et qui pius est
 (inquit scriptura) ad misericordiam, benedicetur. Pro. 22.
 Et dominus ait, Estote misericordes, sicut & pater
 noster misericors est. [Humiles.] Scriptum quippe est: Luc. 6.
 Perdit deus memoriam superborum, & non dere-
 linquit memoriam humilium. Et dominus inquit, Mat. 23.
 Dicite a me, quia mitis sum & humilis corde. Et
 ad quem respiciam, dicit dominus, nisi ad humile
 & quietum: [non reddentes malum pro malo.] Isa. 66.
 Scriptum quippe est: Ne dicas, reddam malum pro
 malo: expecta deum, & liberabit te. Et item: Qui
 uindictam uult, a deo inueniet uindictam, & pecca-
 tum illius seruans seruabit. Ecc. 28

nec maledictum pro maledicto.

In hoc enim exemplum domini tenendum est, qui
 cum malediceretur, non maledicebat.

sed econtrario benedicentes.

ut illud. Benedicite maledicentibus uobis: bene- Lu. 6.
 dicite, & nolite maledicere. Ro. 12

Quia in hoc uocati estis, ut benedictione
 hereditate possideatis. [Benedictio est heredita-
 tis omnis uirtutum copia cælestis, in qua sancti he-
 redes quidē dei, cohæredes aut efficiantur Christi,
 cum audierint: Venite benedicti patris mei, percipi Mat. 25.
 te regnum, quod uobis paratum est ab origine mundi.]

Qui enim uult uitam diligere. Psal. 33

id est, uitam æternam, beatam, & in futuro sine fi-
 ne mansuram. [& uidere dies bonos,] in quibus
 sancti cum sanctis iucundentur in cælis, qui dies nõ
 propter interruptionem noctis, sed propter perpe-
 tuam em dicuntur luminis.

coerceat linguam suam a malo.

Y

Iac. 1.

id est, a malo detractionis, maledictionis ac murmurationis. siue generaliter, omnino lingua refrenanda est a malo. Ait enim Iacobus: Si quis putat se religiosum esse, non refrenas linguam suam, sed seducens cor suum. huiusmodi uana est religio. Nam & qui custodit linguam suam, inquit scriptura, custodit animam suam,

Pro. 21.

Et labia eius ne loquantur dolum.

Dolus, non dolor, sed fraus intelligitur: quando aliud corde tenetur, & aliud ex ore profertur.

Declinet a malo, & faciat bonum.

id est, destruat uitia, & uirtutes edificet: relinquat quod instigat diabolus, ut operetur quod precepit Christus.

Inquirat pacem, & sequatur eam.

id est, diligenter orando & humiliter interrogando perquirat Christum, qui factus est pax nostra, & imitetur eum. sequi etenim imitari est. Siue se

Heb. 12.

cundum Apostolum, pacem sequatur & sanctimoniam, sine qua nemo uidebit deum.

Quia oculi domini super iustos.

id est, aspectus diuinitatis. [& aures eius in preces eorum,] id est, auditio diuina, qua dignatur preces audire iustorum.

Vultus autem domini super facientes mala.

Psal. 33. Vt quid vultus domini super facientes mala? Audi sequentia: Vt perdat de terra memoriam eorum, id est, de terra uiuentium. Et illud **Psal. 68.** Deleantur de libro uiuentium, & cum iustis non scribantur.

Et quis est qui uobis noceat?

subauditur nullus. Iuxta huius sententiae locum, passionibus uel persecutionibus non faciunt esse miseros, sed prestant esse beatos. [si boni & imitatores fueritis,] id est, si boni dei, de quo scriptum est,

Nemo bonus nisi solus deus. Siue generaliter, siue omnium bonorum æmulatores, id est, imitatores fueritis uirtutum. Mar. 10.

Sed & si quid patimini propter iustitiam, beati, subauditur, eritis. Hanc sententiam dominum dicentem Petrus audierat, ubi ait. Beati qui persecutionem patiuntur propter iustitiam, quoniam ipsorum est regnum cælorum. Matt. 5.

Timorem autem eorum, id est, persecutorum, [ne timueritis,] ut in fide [non turbemini.] Et hoc dominus admonuit, ubi ait: Nolite timere eos qui occidunt corpus, animam autem non possunt occidere: sed potius eum timere, qui habet potestatem corpus & animam perdere in gehennam. Mar. 10.

dominum autem Christum sanctificate in cordibus uestris. Vbi dominus qui cuncta creando sanctificat, nisi in corde pio & corpore casto: Sic dominus Iesus sanctificandus est in cordibus nostris, ut a nomine eius uocemur Christiani, & ut nihil sanctius eius nomine sentiamus. Sanctificemus enim eum in fide, spe & charitate, credendo, colendo & adorando, ut ab illo saluari pariter mereamur & sanctificari.

DOMINICA VI. POST
Pentecosten. Lucæ V.

In illo tempore Cum turbe irruerent in eum ut audirent uerbum dei, & ipse stabat secus stagnum Genezareth. Et reliqua.

DE piscibus, quos apostoli ad iussionem domini laxatis retibus ceperunt, locuturi, primū de situ loci uideamus: Ait enim euāgelium: